

Presion a pone..

Mr. Koolman ta keda 6 año mas como Gobernador

ORANJESTAD (AAN): Den tur secreto gobierno hulandes segun informe lo a dicidi di prolonga posicion di mr. Olindo Koolman como hefe di estado. Manera ta conoci segun e concepto, tabatin eleccion tanto na Aruba y Hulanda pa cual a pone prolongacion di mr. Koolman den freezer. Mientras tanto Staten di Aruba unanimamente a para tras di prolongacion como un periodo mas como gobernador di Aruba.

Di berdad tabatin tardanza pa esaki y tambe hopi speculation pa e posicion aki. Awor a yega na conocimiento di DIARIO (y a worde confirma for di seno di gobierno) cu periodo di mr. Koolman a worde prolonga.

E dianan aki na Hulanda lo tin un reunion Tripartite entre La Reina y gobernadornan di tanto Antiyas mr. Haime Saleh y mr. Olindo Koolman di pais Aruba. Despues di e reunionnan di trabao, mr. Koolman lo probecha di su vacacion den Europa.

Loke ta trata e puesto di gobernador interino tambe lo por ta posiblemente un punto cu lo por bin dilanti. Manera ta conoci cu Mr. Max Croes ainda lo ta ocupa e funciona aki temporalmente ya cu su termina di dos biaha 6 año a pasa dia caba. Tin di bay nombra un persona como gobernador interino y esaki segun informe ta bay tuma lugar riba un termino corto.

Den caso di nombramento

aki como tal no mester ta un hende homber pero tambe un dama por bin na remarca pa ocupa tal funcion. Si den e caso aki un dama worde nombra como interino esaki lo ta prome biaha den historia di Pais Aruba. Na Antiyas caba a duna reconocimiento na un dama cu ta ocupa e position como tal.

